



## LOGOS E NÙMENES DE LOGOS

Progetu finantziadu dae sa R.A.S. segundu sa L.R. n. 44/1993 a su consòrtziu de sos Comunes de su Gotzèanu (Anela, Benetuti, Bono, Bultei, Burgos, Esportatu, Nule, Illorai) cun su comune de Bono capufila in occasione de “Sa die de sa Sardigna 2008” dedicata a “Sa limba sarda”.

### COMUNE DE ANELA

Su protzedimentu adotadu in sa chirca est istadu partzidu gasi:

- regorta de materiale documentàriu costoidu in s’ Archìviu de Istadu de Tàtari;
- regorta de materiale topogràficu de custos tempos;
- inchesta intre sos abitanes de sos logos sebestados in sa chirca pro averiguare si sos topònimos presentes in sas fontes istòricas esserent galu reconnòschidos dae sa populatzione.

De su tzentru de Anela amus a disponimentu sa carta de s’ abitadu de su Cessato Catasto (Tàula IV), e sa denominatzione de sas incontradas in su Summarione chi pertocat sos fràigos (chi risalint duncas a sa meidade de su sèculu su de XIX). Su documentu in chistione est depositadu in s’ Archìviu de Istadu de Tàtari.

Amus una carta topogràfica chi risalit a s’ incomintzu de su sèculu su de XX.

Sos nùmenes de sas incontradas presentes in su Cessato Catasto sunt:

- Sa Murighessa
- Funtanedda
- Pizzolu
- Carrera Maggiore
- Sas Melas
- S’Ortu Artu
- Su Montrigheddu
- Corula
- Pauleddu
- Fraile
- Sa ‘e Zudda (o Montrigu ‘e Zudda)
- Murufossu
- Rughe Maggiore
- Solina



Dae s’anàlisi comparativa intre sas cartas, tenende contu chi s’assentu urbanu comomai est mudadu, cun sa carta topogràfica de custos tempos, podimus sebestare su tzentru urbanu de unos 150 annos como, a inghèriu a sas carrelas chi oe sunt cramadas:

- via Pascoli (bassa)
- Piazza S’Olina
- Via Sanna-Sanna
- Via Pascoli (bassa)
- Vicolo Principe (artu)
- Via Risorgimento
- Via Fonte
- Via Sassari
- Via Tirso
- Via Su Nie
- Via SS. Cosma e Damiano
- Via Carducci

Pro su chi pertocat sas cartas de oe, sos bighinados (o incontradas) chi galu oe s’ammentant sunt:

- **Corula** (oe via S. Cosma e Damiano bassa)
- **Su Murufossu** (via Repubblica e Via Sassari chi sunt a inghèriu a sas domos chi ant comente orìgine sa via Murufossu)
- **Carrela ‘e Cresia** (via Tirso e via Campanile sunt a inghèriu a sas domos chi ant comente orìgine sa Piazza SS. Cosma e Damiano)
- **Funtana Noa** (Via Carboni alta, Via Fonte, Vicolo Funtana Noa, truncadas dae via Roma, cun orìgine in Vicolo Funtana Noa in ue s’agatat una funtana)
- **Su Montrigheddu** (Via Moro bassa, Via Sassari bassa e Via Su Nie, cun origine in sa parte mediana de via Su Nie)
- **Sa Moderina** (Vicolo Principe, Via Sanna-Sanna, Via Carducci, Via Nuova, cun orìgine in via Carducci)
- **Sa Murighessa** (via Clara bassa)
- Piazzetta Roma (sos abitados chi s’acherant subra sa Piazza Roma)
- **S’Istradone** (su bìculu de via Roma delimitada dae piazzetta Roma e dae sa zona de Funtana Noa)

Dae sa comparazione intre sas duas cartas amus petzi duos cumproos intre sa denumenazione e s’ubicazione de sos bighinados de su sèculu su de XIX e cussos de oe: sunt sas incontradas de *Corula* e *Su Murufossu*. Difatis s’incontrada *Sa Murighessa* (Tàula. IV) no at cumprou cun sa (Tàula III). *Carrela ‘e Cresia* est s’antiga *Rughe Maggiore* o *Rughe Santa*: in custu casu sa mudadura si depet a un’assentu urbanisticu nou, in cantu in sas cartas de su Cessato Catasto est presente sa parrocchiale de su Chimbighendos ghetada a terra in sos annos sessanta dE su Noighentos. *S’Istradone* est sa via Roma, sa carrera printzipale de sa bidde (giai via Sanna: Tàula V). *Sa Moderina* s’agatat in su territòriu de sas incontradas antigas de *Sas Melas* e *S’Ortu Artu*, est presente a s’incomintzu de su Noighentos comente titolare de carrera (Tàula). *Piazzetta Roma* s’agatat in su territòriu cramadu antigamente *Funtaneda*, pro ite una funtana canalizaiat sas abbas de unu frumeneddu.